

að leggja fyrir lögreglustjórana í ömtum (amti) yðar, að gjöra almenningi ofangreind 49
tilmæli kunn á þann hátt, sem yður þykir best við eiga, ef ske kynni, að ofangreindar 24. apríl
flöskur erfðaprinsins af Monaco rækju hjer við land.

Brjef landshöfðingja til amtmannsins yfir suðuramtinu og vesturamtinu um 50
hallærislán handa Snæfellsness- og Hnappadalssýslu. — Með þessu brjefi var sýslu- 5. maí.
nefndinni í Snæfellsness- og Hnappadalssýslu veitt 2500 kr. lán úr landssjóði til að af-
stýra hallæri í sýslunni. Lánið á að ávaxta með 4% á ári og endurborga með $\frac{1}{8}$
árlega á 8 árum, eða á þann hátt, sem alþingi síðar kann að ákveða.

Brjef landshöfðingja til sýslumannsins í Húnavatnssýslu um hallærislán handa 51
sýslunni. — Með þessu brjefi var sýslunefndinni í Húnavatnssýslu veitt 400 kr. lán úr 6. maí.
landssjóði til að afstýra hallæri í sýslunni. Lánið á að ávaxta með 4% á ári og endur-
borgast með $\frac{1}{8}$ árlega á 8 árum, eða á þann hátt, sem alþingi síðar kann að ákveða.

Brjef landshöfðingja til bæjarfógetans í Reykjavík um lán handa Reykjavík- 52
ur kaupstað til að kaupa slökkvívjel. — Með þessu brjefi veitti landshöfðingi Reykja- 11. maí.
víkur kaupstað 2700 kr. lán úr landssjóði til að kaupa nýja slökkvívjel handa bænum.
Lánið á að ávaxtast og endurborgast með 6% á ári, þannig að það sje að fullu endur-
borgað landssjóði á 28 árum frá lántökudegi. Þó er lánveitingin bundin því skilyrði, að
Reykjavíkur kaupstaður skal skyldur til, hvenær sem krafist verður eptir árslok 1886, að
endurborga lánið að fullu.

Brjef landshöfðingja til stiptsyfirvaldanna um að kirkjujarðir verði lagðar 53
út í árgjaldið frá Oddaprestakalli. — Eptir að hafa meðtekið þóknanlegt brjef hinna 11. maí.
háttvirtu stiptsyfirvalda 16. marz þ. á. og skýrslu þá, er þar með fylgdi, um afgjald
Oddakirkju jarða, reiknað til peninga eptir verðlagsskrárverði síðustu 5 ár, sem og tillögur
prófastsins í Rangárvallaprófastsdæmi um það, hverjar af jörðum þessum ættu að ganga
undan umráðum prestsins í Odda til þess að fullnægt verði skilyrði því fyrir uppgjöf á
ógoldnum árgjöldum af Oddaprestakalli, sem sett er í 2. gr. fjárukalaga 2. nóv. f. á.
fyrir árin 1884 og 1885, þá vil jeg hjermeð fallast á, að hinir svonefndu Bakkabær,
jarðirnar Nr. 11—19 á eptirgjaldsskránni, verði lagðir út í hið ákveðna árgjald af
Oddaprestakalli, og að þessar jarðir verði lagðar til Efri-Holtapinga og Stóruvallapresta-
kalls sem uppbót sú, er nefndum prestaköllum ber úr landssjóði samkvæmt 1. gr. laga
um skipun prestakalla 27. febr. 1880.

Um leið og þetta hjermeð tilkynnist hinum háttvirtu stiptsyfirvöldum til þókn-
anlegrar leiðbeiningar og frekari ráðstöfunar, skal jeg þjónustusamlega skora á yður, að
útvega og senda hingað með þóknanlegum ummælum yðar tillögur prófastsins í Rangár-
vallaprófastsdæmi um það, hvernig að skuli farið með landsskuld þá af ofanefndum
jörðum, sem fellur í gjalddaga í næstu fardögum, svo að landssjóður að einu leytinu fái
endurgoldinn þann hluta uppbótarinnar, sem þá verður búið að útborga Efri-Holtaping-

53 um og Stóruvallaprestakalli fyrir yfirstandandi ár, og að nefnd prestaköll að hinu leyti. 11. maí. inu fái sinn tiltölulega hluta af nefndri landsskuld.

54 Brjef landshöfðingja til stiptsyfirvaldanna um niðurlagningu Stóruvallakirkju.
11. maí. — Samkvæmt ályktun hjeradsfundarins í Rangárvallaprófastsdæmi og tillögum hinna háttvirtu stiptsyfirvalda í þóknanlegu brjefi 16. marz þ. á. vil jeg hjermeð með skýrskotun til 4. gr. laga um skipun prestakalla frá 27. febr. 1880 fallast á, að Stóruvallakirkja verði lögð niður þannig:

- 1, að Stóruvallasókn verði skipt milli Skarðs, Árbæjar og Marteinstungu kirkna og leggist bæirnir Tjörfastadir, Bjalli, Efra-Sel, Neðra-Sel og Austvaðsholt til Árbæjarsóknar, Lúnansholt, Holtsmúli og Hjallanes til Marteinstungusóknar og hinir bæirnir í Stóruvallasókn til Skarðssóknar;
- 2, að sjóður, skróði og áhöld Stóruvallakirkju, sem og andvirði kirkjuhússins sjálfs, skiptist milli áðurnefndra þriggja kirkna eptir rjettri tiltölu við fólksfjölda þann, sem leggst til hvernar þeirrar, og
- 3, að kirkjukúgildin verði seld og andvirði þeirra sett á vöxtu sem sjóður, er fylgi Stóruvallaprestakalli, sem og að ítak kirkjunnar í Bryggnaðfjöru verði eign prestakallsins.

Þetta tilkynni jeg hjermeð hinum háttvirtu stiptsyfirvöldum til þóknanlegrar leiðbeiningar og frekari ráðstöfunar.

55 Brjef landshöfðingja til stiptsyfirvaldanna um undirbúningsráðstafanir til að
13. maí. kirkjujarðir verði lagðar út í árgjald frá brauðum. — Einsog hinum háttvirtu stiptsyfirvöldum er kunnugt, hafa tekjuuppbætur þær, sem ýmsum prestaköllum eru lagðar í lögum um skipun prestakalla 27. febrúar 1880 og síðari lögum um breytingar á þeim, hingaðtil verið greiddar úr landssjóði, og hefur fje það, sem til þess hefur þurft, verið veitt í fjárlögunum 13. gr. A. b. 1, einsog líka á hinn bóginn að árgjöld þau, sem eptir áðurnefndum lögum eiga að greiðast frá ýmsum prestaköllum, hafa verið greidd í landssjóð og verið talin með tekjum landssjóðs í fjárlaganna 5. gr. 1. Í fjárlögunum fyrir 1886 og 1887 hefur verið gjörð sú breyting í þessu efni frá fyrri fjárlögum, að fyrir árið 1887 er ekki áætlað að nein árgjöld frá prestaköllum verði greidd í landssjóð, og að fjárveitingin til uppbótar á prestaköllum er fyrir sama ár færð niður sem svarar árgjöldum þeim, sem ætla má að muni greiðast, og bera umræðurnar á alþingi með sjer, að tilgangurinn með þessari breytingu frá því sem áður hefur verið, er, að fá framgengt þeirri ákvörðun í 3. gr. áðurnefndra laga 27. febrúar 1880, að gjald það, sem greiða skal frá einu prestakalli til annars, skuli sem mest greiða með fasteignum eða afgjaldi fasteigna.

Áður en ákvörðun verði tekin um, hvernig og að hve miklu leyti ráðstöfun sú, sem þannig er gjört ráð fyrir í fjárlögunum, verði framkvæmd, að því er snertir hvert einstakt prestakall, er nauðsynlegt að hafa fyrir sjer nákvæmar skýrslur um jarðeignir prestakalla þeirra, sem árgjald á að greiðast frá, og um hinn árlega afrakstur af hverri þessara jarðeigna; en prestaköll þau, sem árgjald á að greiðast frá eptir optnefndum lögum 27. febr. 1880 og síðari lögum, sem gjöra breytingar á þeim, eru þessi: